



Inatsisartunut ilaasortaq Emanuel Nûko, Naleraq
/Maani

Sakkutuut inissiallu pillugit § 37 naapertorlugu apeqqummut nr. 26-2022- mut akissut

Asasara Emanuel Nûko

Inatsisartut suleriaasianni § 37 naapertorlugu Naalakkersuisunut sakkutuut inissiallu pillugit apeqquteqarsimavutit. Apeqqutigisatit uannit akisassanngortinneqarsimapput. Apeqqutigineqartut tullinnguuttuni ataasiakkaarlugit uteqqinneqarput akiortorneqarlutillu.

1. Nunatsinni sakkutuut Qallunaat naalagaaffiata atorfeqartitai 2022 qanoq amerlatigippat?

Akissut: Illersornissamut ministeriaqarfimmit akissutissanik piniartoqarsimavoq. Akissut ataani issuarneqarpoq:

"Illersornissamut ministeriaqarfiup ilisimatitsissutigisinnaavaa, Illersornissaqarfik Issittumi Atlantikumilu avannarlermi ukioq kaajallallugu 300-nik sakkutooqartoq sulisoqarlunilu. Ilanngullugu ilisimatitsissutigineqarsinnaavoq, Illersornissaqarfik 7. februar 2022-mi Nuummi Issittumi Sakkutooqarfimmi sakkutooqarnikkut 60-it missaanniittunik sulisoqarmat."

2. Namminersorlutik oqartussat inissiaataanni sakkutuut qassit ineqartinneqarpat?

Akissut: Ineqarnermut Attaveqaasersuutinuullu Naalakkersuisoqarfimmut akissutininik piniartoqarsimavoq, tullinnguuttullu ilisimatitsissutigineqarlutik:

"Issittumi Sakkutooqarfiup Illuut A/S attartortitsisoralugu Suloqqami inissiaq 30-nik ineqarfilik saniatigullu ineqarfiit allat pingasut attartornikuuai. Naalakkersuisoqarfiup Issittumi Sakkutooqarfimmi atorfeqarnikkut pissutsit, tassunga ilanngullugit sulisut sakkutuujunersut, allaffimmi sulisuunersut qanorlu atorfeqarinersut ilisimangilai."

3. Sakkutuunik namminersorlutik oqartussat inissiaataani najugaqartitsigutta suna pissutaava?

Akissut: Ineqarnermut Attaveqaasersuutinuullu Naalakkersuisoqarfimmut akissutininik piniartoqarsimavoq, tullinnguuttullu ilisimatitsissutigineqarlutik:


"Ineqarnermut suliassaqarfiup Danskit naalagaaffianiit Namminersornerullutik Oqartussanut nuunneqarneranut atatillugu Naalagaaffiup Namminersornerullutillu Oqartussat akornanni naalagaaffimmi ingerlataqarfinnut Kalaallit Nunaanni inissanik siunissami pilersuinissaq pillugu isumaqatigiissuteqartoqarpoq. Naalagaaffiup Kalaallit Nunaanni ingerlataqarfiini sulisunut ineqarfinnik atorfissaqartitsisoqartillugu isumaqatigiissut taanna atorneqartarpoq. Pingaartumik Kangilinnguit Nuummut nuunneqarnissaanut atatillugu isumaqatigiissutigineqarpoq Issittumi Sakkutooqarfik ineqarfinnik Namminersorlutik Oqartussanit pigineqartunik INI A/S-millu aqunneqartunik innersuunneqarani Illuut A/S-imik attartornissamut isumaqatigiissuteqassasoq."

4. Qallunaat naalagaaffiat nammineerluni inissialiorniarpaa sakkutuut inissaannik?

Akissut: Illersornissamut ministeriaqarfimmit akissutissanik piniartoqarsimavoq. Akissut ataani issuarneqarpoq:

"Naamik"

Inussiarnersumik inuulluaqquillunga



Múte Bourup Egede
Naalakkersuisut Siulittaasuat